

重修昌邑縣志序

邑之有志猶國之有史嘗考周禮外史掌四方之志而行人採風達諸天朝其與小史掌邦國之志者同一慎重志與史相表裏由來尙矣第史美惡並陳俾觀者得以感發懲創志則惟善是錄使兩間正氣賴以不湮其文或異其義畧同至於山川形勝及職方所產凡有裨於國計民生者莫不詳載以備輶軒

昌邑縣志

序

之採甚矣所關綦重而秉筆之難其人也昌邑縣志修於順治辛丑迄今已八十餘年予於雍正十年曾任昌邑閒嘗披閱志乘見其魯魚紕繆其間制度因革人事廢興不無有事更易之處卽思修輯以副

聖朝車書一統文教丕新之至意因四閱月有單縣之調有志未逮至乾隆五年復守東萊所呈邑志猶是昔日所見復萌重修之意適上

臺檄行各郡邑重修志乘實獲我心矣特是
史之纂也天子開芸閣訪求遺書逸獻職有
專司罔敢弗慎且重志則掌之邑令令或數
月或數年遷易不常當其任者營營於刑名
錢穀間卽稱能吏間有慨然釐訂者不過虛
應故事挂誤與鋪張皆不足以傳信夫一縣之
財賦土田固有常額至於人物臧否最易混
淆陳壽作三國志謂丁儀子曰覓三斛米當

昌邑縣志

序

二

爲尊公作佳傳丁不與竟不立傳恐三代以
下不爲陳壽者鮮矣紀載之實可易言哉周
君晉省碩儒其牧昌邑如重修學宮設立義
學勸積社倉諸要務次第舉行今修輯縣志
雖寄耳目於廣交借襄事於邑士而廣稽博
訪務核其實筆削自主知我罪我一切不計
誠足傳信來茲矣而發微闡幽俾壬午一城
殉難官員特爲標出復建祠表祀以妥幽忠

以垂不朽維持風化孰有大於此哉予與周君均有守牧之責此志成將相其土宜察夫民生利弊權緩急而輕重布之庶俾斯民沐浴於太平盛世也因援筆而序之

乾隆七年六月知萊州府事加五級紀錄四次鐵嶺高沅撰



重修昌邑縣志序

聖天子乘乾御宇文德誕敷薄海內外車書萬國
休養生息久道化成蓋承平厯有年矣一時
鴻儒鉅手起而續蘭臺之業抽金匱之藏麟
麟炳炳皆足以鼓吹休明信今傳後而史館
之設厥有耑司制作文章於

今大備猗與盛哉區區一邑之志乘其細焉者
也顧志之作自古不廢周官小史掌邦志孔

昌邑縣志

序

四

安國謂九州之志卽九邱也土訓掌道地圖
誦訓掌道方志小行人五物異書以周知天
下之故此後世郡邑志所由昉乎夫志與史
異裁然自輿地丁徭以及學校風俗古蹟藝
文之類無不列載而且貞廉節義其卓然不
刊者更可以砥中流障狂瀾故昔人謂作志
爲急務誠以志之所關者鉅也昌邑縣志修
於順治辛丑至康熙十一年大學士衛奏請

纂一統志通飭直省各加修輯而當時猥以舊志應歷今且八十餘年豈惟豕亥沒漫抑且滄桑改移沿革莫攷文獻漸佚守是土者徒以簿書爲事而過焉不問亦吏治之羞也余於己未春承乏都昌迄今四載惜前人之闕畧懼後世之無徵慨然有志修之乃與廣文先生謀其事邑陳生之楓魏生養本等皆博洽士也爰進諸庭而語之曰志之難難于

昌邑縣志

序

五

徵實耳浮僞遺漏二者交譏甚且品藻人物以愛憎爲抑揚幾同穢史將何以傳後勿任德勿避怨知我罪我其在斯乎于是授以義例嚴去取核名實案牘之餘弄墨晨繙然膏夜繼博摭舊聞而叅以眾議出以獨斷蓋易稿者數矣始辛酉冬終壬戌夏九閱月而功竣授梓嗟乎此書之作豈以潤色文事哉攷輿地而知物土之利攷丁徭而知生聚之方

攷學校而知治隆於上攷風俗而知化成於下推是以往綱舉目張大小精粗詳畧因革班班可識也若夫博陸雲沉淮陰烟杳仰子慶之芳躅挹伯起之清風憑今弔古有茫茫交集者矣花晨月夕倚酒鳴琴尋遺韻於蠹編聯新詩於塵尾一樽細論有逸興遄飛者矣至于名臣建績鍾鼎猶存烈士捐軀鬚眉如動而下至韋布之子或履苦操巾幘之流還抱勁節激濁揚清實于風化有重賴焉而皆於志備之甚矣志之所關者鉅也昔運青張公修兗志謂采之可以備史因之可以立政然則是書也雖未敢謂與蘭臺金匱共稱盛典而信今傳後用以黼黻

皇猷羽翼文教於我

國家久道化成之治未必無小補云

乾隆七年歲次壬戌季夏知昌邑縣事昭餘

周來邵識



昌邑縣志

序

七

凡例

一邑志自順治辛丑纂修迄今八十餘年其間制度因革人事興廢按舊志更移過半今皆細心詳核事蹟雖出於因用力實比於創總緣志書爲一邑信史不敢因仍模糊以惑來者

一舊志有綱有目亦屬通例第分屬未盡妥協天文一卷尤多強附故從通志分卷不分綱似較清晰

一舊志率遵萬厯間原本非 本朝事仍用頂格擡頭及孝子烈女錯雜互敘不歸本門諸如此類悉不敢

昌邑縣志

凡例

遵

一修濬河渠關民利害瀑沙五龍等河工大利溥舊志失載今特增入

一祭祀鉅典器品儀注屢有增定舊志缺畧今詳注之以示尊崇聖道之意

一戶口田賦鹽法悉關 國計民生舊志從畧今特詳之以示慎重

一物產志加注釋亦舊例也今第於專產本邑或同物異名者釋之至耳目熟悉之物無容濫注以災梨棗

一舊志人物馳封山川陵墓等門率多前後倒置敘次不清今悉查點更正

一前代人物或官斯土或產本邑非確有根據不必牽入如王密載職官陳澹載人物俱係影附今不濫載一忠孝節義所關最重甯核勿濫必有實據乃書懼不公也

一女人節烈已贈表者書錄於前未贈表者先節後烈按次敘錄

一凡歷代忠烈應提起大書忠烈二字後列歷代忠烈
昌邑縣志 凡例 二
姓氏或遇賊害或殉兵難各立小傳敘其事之本末緣由於本人名下方爲分曉

一刊修志書莫大表揚忠孝節義以植風化尤莫大於表揚已往失傳之忠孝節義如兵變以城守爲急而守土命吏其責尤重全城者功殉難者忠凡有旌封以官吏紳士次序至城外節烈只宜附後

一舊志將節烈殉難顛倒序之又將一城殉難官員盡行削去不書於冊致使雍正二年 特旨建祠崇祀忠節縣文只據舊志申詳遺漏殉難官員深爲憾事

茲爲標出按次書錄

一志書藝文一卷非尙文藻重文教也有資吏治有係風化披閱新郡志新增藝文與舊藝文各半悉有關學校民社與忠孝節義之文書論傳記諸體俱備昌邑舊志所錄藝文只明朝人數篇 國朝只錄入景詩句書論傳記一篇不載此皆館中採輯不廣之過且以吝惜梓費私窺執事也今日刊修又相距八十年使仍舊志只再增入景詩句而止並不錄及有關風化吏治之文是昌邑百年之久竟無藝文可採

昌邑縣志

凡例

三

不惟志書削色且與 國朝振興文教之典不副茲博採廣輯得文若干悉爲收錄

一藝文一卷博採示公纂志例也嚴核防濫亦纂志例也蓋邑有志猶國有史責在表幽闡微雖文涉朴質亦錄外此惟名筆雅馴古茂且有關昌邑風化民社與吏治文教之文方許登志不然濫竽一開何足備採風者一寓目焉

修志姓氏

纂修

文林郎知昌邑縣事加三級紀錄四次 周來邵

分修

儒學 教諭 魏璠

儒學 訓導 岳靖唐

承修

邑舉人 揀選知縣 于始瞻

參訂

昌邑縣志

姓氏

四

邑增 生 陳之楓

採輯

邑庠 生 劉務虛

分輯

邑廩 生 魏養本

校閱

邑庠 生 陳祖實

昌邑志原序

我明興列聖相承文謨武烈薄海內外咸屬版籍志在
大一統者已悉其大概而郡而邑亦各有志何也爲各
載其詳也昌邑古漢城濱之北海而志獨無或昔兵燹
之變遺亡不存亦邑之吏諉文事爲不暇談未及勞神
寄慮蒐獵於簡編充汗之間遂因狗至此歟良爲闕典
今縣令侯君貞君振舉百廢於邑志極欲鍤集乃托掌
教張君暨諸生之博洽者旁搜遺帙爰稽故實不踰三
月彙纂有序問余一言以識簡端夫志奚始乎始於夏

昌邑縣志

原序

五

禹貢周職方兩漢之地里郡國唐宋之十道九域與夫
王會三輔之圖方輿寰宇輿地之志蓋古制也矧邑太
公封齊營丘之東域穆陵無棣北海西河之所環陸也
且博陸淮陰建績垂芳伯起逢萌却金掛冠之地皆古
之豪俊也志可缺乎然志難志也古今山川夷阻不同
此戶口登耗不同此則壤萊闢不同此庸調繁省不同
此學校人才風俗脩墜興衰醇漓不同考核裁酌遽難
歸一此江文通所以有作志之難之說也茲二君殫厥
心力援古以證今據異以求同徇名而究實商其凡例

訂其取舍芟繁撮要銓次分類燦然有條雖代年道遠
而一展閱間城郭鄉村風俗形勢山川人物忠賢節義
瞭然在目可以資聞見可以資勸懲可以識人情可以
識物理可以識時勢文獻具足垂示有永其於當代之
治道裨益不淺猗於二君之知大體也竊嘗聞陸游有
會稽志馬子嚴有岳陽志昌黎過韶借圖經君子佳其
得急務正今日二君修邑志之謂也語云地因人而勝
又云其人存則其政舉其義不以此耶昔蜀郡知東郡
善吏說者各本之文翁延壽之貽吳扎聞衛之風美康
叔之德於唐謂有陶唐氏之遺風李吉甫作元和志謂
爲政者讀此可以治天下然則嗣是而蒞茲者或知所
本或采其風因而損益因革以爲今日化民成俗之助
二君之志其天下之公案信史之張本也余不佞僭序
以需萬曆六年七月邑人葛縉書

昌邑縣舊志序

歲當辛丑先

皇帝上賓之十有八年正今

皇帝康熙臨御之初歲也重輪重潤百度有維新之望

適諸

上臺有王會同文之輯下檄徵邑乘余爲之感然曰
余留心此務已四閱春秋矣柰叩之父老質之人文
惟云缺畧已久甚至搜片紙紀載渺不可得久之有
餼庠楊子多記往事談上下數十年遺踪舊跡瞭若
列眉因出所藏殘志一編類多手紀逸事兼得史氏
遺筆與出於秦坑灰燼之餘者余竊幸之以爲是皆
留心著述有益古今之大者也乃與明經李子等訂
證商確意見頗合爰使之潤色參差文其固陋尤恐

昌邑縣志

舊序

七

人事紛雜有妨情面筮吉閉之官署書舍余亦朝夕
與共無一事不經熟籌無一言不親披閱或弔往蹟
而神遊或感義烈而殞涕每每率意論斷抉隱原情
凡有彰瘴卽於本人事實之下大義所激幾不知
其學淺而識踈也越月告成爰付剞劂私心自尉曰
是役也續百餘年幾絕之緒使此土人文政績山澤
物類不至湮沒殘缺則余不佞爲地方一念微誠庶
有附于知昌邑縣事之萬一云順治辛丑季冬洽陽
党丕祿識

邑必有志志者誌也其引據典確比於經其彙輯才
賢比於傳其論次時事比於史而山川里居人物謠
俗畢載其中蓋以達政教備觀感悉土宜也然以昔
垂今以今垂後如薪傳火間不容熄第非其時不暇修
非其人亦不克修往往難之吾都昌舊志成自明萬
厯之五年迄今已逾甲子兵燹之後散逸泯焚幾無
遺帙嗚呼邑中且不知有志則八十餘年中之事變
又何論哉於今不輯必致淪佚諸同人竊有志修之
而未之逮也幸際我邑侯党公秀鍾洽陽學蓋隴右

昌邑縣志

舊序

八

蒞政之初詢及故老獲舊志而寓目焉喟然嘆興曰
是余之責也夫是余之責也夫越四載百務具興乃
召耆彥其輯舊聞時有明經李君肇林餼庠楊君炅
等相與上下其編叅伍其說至於宜增者增宜削者
削則歸諸我侯之手定而不能贊一辭焉上以紹先
民下以示來茲使八十餘年之物事朗如列眉而前
此千百載之故實切如畫沙則茲舉也不大有裨於
吾邑哉噫前之役闕今几何歲過茲以往續之者復
爲誰余更有望於將來云爾順治辛丑季冬邑人于

沛霖識

昌邑縣舊志跋

嘗聞蔚宗後漢半籍於中郎紫陽綱目多沿夫涑水
不有作者何以能述按昌舊志修於明萬曆五年邑
令侯公鶴齡特成鉅典一時共事諸人則邑人明經
應兆李君餼庠若侗姜君惟驄史君次木翟君有恒
邢君初竊疑之以爲昌亦青齊名城千百年來不乏
賢牧名公淹雅學士豈無載紀成書可資憑藉何前
輩姓字渺不一載諸簡端豈李姜諸君以爲自我作

昌邑縣志

舊序

九

古歟及讀大司馬葛序始知世遠言湮李姜諸人前
無所因實出特創乃嘆任事諸公可謂經營心苦矣
嗚呼志成而後屈指及今八十有五年矣時更滄桑
人經劫火其中之閱歷若滅若沒蒞茲土者視爲傳
舍曾不經意局處閒散者又以事非已責父老學士
聞焉而不真語焉而不詳邑乘之有無幾不可問有
心者於殘毀煨燼之餘雖獲舊志數葉亦如石鼓遺
文况遺志之所不及者又將若何非吾 父母党公
留心大典不惜捐俸極力專營歲愈久而訛愈甚堂

堂城邑直與無厯日之海陬窮荒消沉歲月以至懿
躅弗彰智勇罔著不將使遺恨地下者唾土著之無
人而司牧之虛寄哉是役也吾 父母党侯之有功
茲土於是乎不朽矣應兆若侗諸君子亦於是乎不
朽矣邑人李肇林謹識